

Protocol rad. generela 2017

Venderdi, 7 avrigl 2017 i'l restorant da l'implaunt da tir
Suotarivas a Zuoz



1. Salüd

Marco Crameri evra la radunanza generela 2017 a las 20⁰⁰ e salüda a tuot ils commembers.

La glista da tractandas es gnida tramissa a temp ütil. Suot la tractanda ses vegn decis sur da la contribuziun e'l predschi da muniziun 2018 e na scu sün l'invid 2017. Oters müdamaints u supplemains nu vegnan giavüschos. La glista da tractandas vegn acceptada.

Preschaints: 12 commembers

S-chüsos: Flurin Wieser, Lorenz Salzgeber

2. Tscherna da scrutinadurs

Pervi da pochs preschaints nu vegnan tschernieus üngüns scrutinadurs.

3. Protocol da la radunanza generela 2016

Il protocol da la radunanza generela 2016 vegn approvo unanimamaing.

4. Rapport annuel dal president

La stagiun da tir ho cumanzo cun metter ad ir l'implaunt da tir.

Al tir obligatoric haun piglio part 33 tregants (11 pü poch cu l'an aunz). Il meglder resultat ho trat Marco Crameri cun 84 puncts.

Il tir champester ho gieu lö a Zuoz. A quist tir haun piglio part 20 commembers (6 dapü cu l'an aunz). Eir cò ho Marco Crameri raggiunt il meglder resultat, nempe 68 puncts.

Al püt champester (Feldstich) s'haun participo 11 tregants (1 pü poch cu l'an aunz). Il meglder resultat: Marco Crameri cun 72 puncts.

Il püt dal district haun trat 11 tregants. Meglder resultat: Marco Crameri cun 99 puncts.

Il püt Grischunais es gnieu guadagno da Daniel Steger cun 59 puncts. Participants: 10.

La maestraunza da secziun Svizra haun trat 8 tregants (2 pü poch cu l'an aunz). Il meglder resultat ho trat Daniel Steger cun 97 puncts.

Impü sun gnies mnos tres nos tirs interns scu la Pardunaunza e'l tir d'amicizcha cun S-chanf. Il püt tradiziunel da la Pardunaunza haun guadagno Daniel Steger e Leandro Jäger. Il püt da premi haun guadagno Heinz Thomas e Leandro Jäger. La concorrenza dal püt craunz ho guadagno Daniel Steger.

Il Waldhaus Cup haun trat Daniel Steger, Mario Feuerstein e Remo Casty. Els haun raggiunt las plazzas 6, 7 e 11.

Il match d'amicizcha cunter Puntraschigna vains darcho üna vouta guadagno, eir grazcha als commembers da la societad da pistolas chi haun trat 300m.

Natürelmaing vains piglio part eir quist an ad ün tir chantunel, e que giò'l Tessin. Que es sto ün bel evenimaint e la cumagnia d'eira fich buna. Eir tar quist tir ho que do buns e main buns resultats (chod e trer tres tunnels - per nus insolit). Illa concorrenza da secziuns vains raggiunt la 99^{evla} piazza da 279 societeds aint illa categoria 3. Da numner la 14^{evla} piazza da Gian Peider Lony aint il püt seria cun il resultat da 59 puncts. Marco Crameri ho raggiunt la 13^{evla}

plazza aint illa maestranza da duos pusiziuns cun 529 puncts. Marco ho raggiunt il finel da la concorrenza vandscheder dal tir inua ch'el es gnieu 9^{evèl}.

Daniel Steger e Mario Feuerstein haun raggiunt il finel dal match districtuel. Lo ho Mario guadagno la cumpetiziun da duos pusiziuns illa categoria sport. In vainter haun el e Dani raggiunt la 5^{evla} e la 2. piazza. Marco Crameri ho raggiunt aint illa categoria ordonanza in vainter la 6^{evla} piazza ed illa cumpetiziun da duos pusiziuns la 4. piazza.

Glivro la stagiun da tir vains scu adüna cun üna buna tschaina e scumpartiziun da premis. Quista vouta aint ill'ustaria Lupo a Zuoz.

Il program annuel 2016 ho guadagno Marco Crameri aunz Daniel Steger e Gian Peider Lony.

Marco ingrazcha a sieus camarads in suprastanza per lur sustegn.

Il rapport annuel dal president vegn approvo cun ün applaus.

5. Rapport dal chaschier e dals revisuors da quint

Mario Feuerstein declera il rendaquint 2016. Il quint serra cun ün guadagn da frs. 1'520.35. L'egen chapitël da la societad importa ils 31.12.16 frs. 47'024.10.

Ils revisurs Jolanda Jäger e Gian Reto Sonder haun repasso il rendaquint e propuonan a la radunanza generela d'accepter il rendaquint 2016 e da der dis-charg als organs respunsabels.

Sün proposta dals revisurs acceptan ils preschaints il rendaquint 2016 e daun dis-charg als organs respunsabels.

6. Cuntribuziun annuela e predscha da muniziun 2018

La contribuziun annuela e'l predscha da muniziun 2018 vegnan fixos seguintamaing:

Contribuziun annuela activs	frs.	25.00
Giuvens tregants, giuvenils e veterans	frs.	0.00
Licenzcha	frs.	25.00
Muniziun (per tun)	frs.	0.50
Giuvens tregants e giuvenils (per tun)	frs.	0.40

7. Program annuel 2017

Eir quist an tira la societad da tregants S-chanf a Zuoz. Adüna marculdi saira a partir da las uras 18³⁰. Ils tregants da Zuoz paun eir ir quella saira a trer.

Peider ho preparato las mappinas culs fögls da tir. Per plaschair tegner aint ils termins e bütter aint ils fögls implieus our ad ura (almain nom e suottascripziun << important !!). Fögl vöds da püts cha nu's tira as po già uossa bütter aint illa chaschella.

Tir champester

Quist an a Samedan. Nu schmancher il fögl da tir e la muniziun.

Tir obligatoric

Il glistess ram scu l'an passo. Per ils maistertregants ho Peider chargio sün nossa pagina ün film informativ.

Match d'amicizcha Engiadina - S-chanf

Quel ho lö in venderdi, 18 avuost cun üna tschaina cumünaivla zieva il tir.

Match Puntraschina - Engiadina

In mardi, 15 avuost ho lö nos match culla soc. da tregants e pistolas Puntraschina a Puntraschina. In seguit tschaina cun rangaziun.

Match districtuel (Bezirksmatch)

Interessos dessan s'annunzcher tar Mario. Quist tir cuosta frs. 18.00 per categoria.

Cuors da giuvens tregants

Il cuors ho lö eir quist an e vegn mno tres dad Ernst e da Linard Parli.

Tir dal Chalavaina

La suprastanza es da l'avis chi füss da sustgnair quist tir istoric. Datas da tir: 19 e 20 meg. Annunzchos fin uossa:

Mario, Dani, Jürg, Bruno, Munki, Peti. Eventuel: Joli, Marina, Marco e Peidi.

Tir chantunel Bernais

Annunzcho s'haun: Peter Plebani, Remo Casty, Mario Feuerstein, Marco Crameri, Gian Peider Lony, Bruno Brasi, Jürg Sprecher, Daniel Steger. L'hotel es già reservo.

Tir dal Rütli

Quist an es Engiadina darcho al tir dal Rütli. Data: marculti, 8 november.

Interessents dessan s'annunzcher tar Marco.

Annunzchos: Marina, Mario, Bruno, Dani, Peidi, Remo, Jürg, Peti. Eventuel: Carlo, Peidi, Peider, Marco.

Tir singul e maestranza da gruppas

La suprastanza annunzchess gugent duos gruppas, nempe:

Sport: Mario, Remo, Bruno, Dani e Lorenz.

Ordonanza: Marina, Peidi, Carlo, Gian Reto, Marco, Peider.

Tir a Brusio

Data da tir: 8 avrigl. Üngüns interessents.

8. Tschernas

La suprastanza as metta a dispusiziun per ün ulteriur an d'uffici. In cas dad üna fusiun cun la societad da pistolas Zuoz as varo da tscherner üna nouva suprastanza.

La suprastanza vegn reeletta cun applaus.

9. Onurificaziuns

Jürg Sprecher survegn sia 1. medaglia da la maestranza da champagna.

10. Restorant

Grazcha fich a las duonnas, chi mainan uschè bain l'ustaria. Ellas as mettan darcho a dispusiziun da mner eir quist an l'ustaria giò l'implaunt.

11. Avegnir dal implanta da tir e da la societad

Marco surdo il pled a Mario Feuerstein. El es involvo illas discusiuns culla societad da pistolas e culs respunsabels da la vschinauncha da Zuoz.

Il cussagl cumünel da la vschinauncha da Zuoz es pront da sustgnair finanzielmaing la modernisaziun da las schaihgias da tir, ils stabels da tir 300m e da 25/50m scu eir ils "Scheibenstöcke". Premissa es però, cha las societads da 300 m e da pistolas fusiuneschan, uschè cha'l cussagl resp. la vschinauncha ho be auncha ün partenari da discusiun. Perque fò que dabsögn, da decider sur d'üna fusiun cun la societad da pistolas Zuoz. Ils preschaints decidan unanim da fusiuner cun la societad da pistolas da Zuoz. Dettagls sur da la nouva suprastanza, finanzas e.u.i. vegn decis ad ün'otra radunanza.

Per las ulteriuras trattativas cul cussagl cumünel e la societad da pistolas staun gnir tschiernieus duos delegios.

Mario Feuerstein e Peider Gotsch vegnan elets unanimamaing scu delegios. Grazcha fich ad els duos per lur fadias.

Scu prossem pass vegn dumando il credit necessari da frs. 230'000.00 a la radunanza cumünela dals 3 meg 2017. Per plaschair piglier part a la radunanza !

12. Varia

Peti infurmescha, cha la via per ir giò l'implaunt saro serreda per ca. duos eivnas, causa lavuors vi da la nouva lingia da s-chodamaint. Access provisoric sur S-chanf.

Ernst Parli metta in dumanda la sgürezza da l'implaunt, impustüt las s-chantschias pels schluppets dals giuvens tregants.

Ils preschaints decida, da cumprar duos tresors. Ün pels giuvens tregants ed ün pels tregants activs.

Marco ingrazcha a tuots per lur cumparsa e serra la radunaunza a las uras 22.10.

Zuoz, 26 avrigl 2017

In buna fè